

內閣小志

內閣故事

國朝仍前明之制以內閣爲政府大學士爲宰執典籍爲首領中書舍人爲椽 國朝文字必兼清書故又多置滿員前明天子拱默委任左右故閣臣往往比中涓作威福營姦利雖分權於部而權益重國朝擬旨有定例內外大臣言官摺奏則直達 御前 天子親筆批荅閣臣不得與聞 天子有詔則面授閣臣退而具草以進曰可乃下後首揆必兼軍機日蒙 召對次揆入見以時 恩禮有加諸卿莫逮古者三公坐而論道後世兵農禮樂進退百官一切責之宰相任非其人

折足覆餗禍貽無極我朝

聖聖相承萬機獨理

紀綱整密權不下移相臣得以優游坐論以養其望蓋
遭際然也鳳毛自雍正八年春蒙

世宗憲皇帝

賞延之典得入中書爲椽屬吏部循資轉典籍前後十

年目覩 明良一德吁咈和衷慨然想見唐虞之盛自

顧草野賤微廁身

禁籞依

日月被

龍光非始願

所及兢兢翼翼勉效所能相君德同父師寮案友同暉
弟仰有所承教俛有所勵厲拙學疏才幸無隕越相君
鑑其勞勤將加拂拭而吏部又循資推郡司馬適纏滯

胃疾請告旋歸鍵戶侍親重理舊業俟理積學成信斯
再出而親年垂暮良疾作止無時忽忽及於衰齒二十
餘年與農牧爲伍抱貧賤之恥是不能無疚於中者也
亡友席君鑒亦以久處山中不勝玉堂天上之感邀同
爲小志以備綸扉掌故未有以報而鑒已作古人時憶
其言輒惘惘未忍下筆今歲盛夏多涼暑風竹簟之間
尋思往迹草成是篇首志其地次志其官次志其職事
次志其儀文末志其姓氏自我以前自我以後莫得而
詳者闕焉其大較亦可得而覩已竊惟官無高卑敬事

則一人無賢愚欲達則前今日之在官蒙澤位顯望隆者孰非昔日之連茵接席相狎相優者乎得者若彼失者若此豈盡由時命之適然哉余受國恩至深在書最久犬馬依依之情誠有不能自己者亦不賢識小之意云爾

乾隆三十年仲夏前儒林郎內閣掌典籍印誥勅撰文
中書舍人隨帶加一級南書房軍機處協辦兩充殿試
收掌官推陞府同知上海葉鳳毛自序

內閣小志

指海第一集

上海 葉鳳毛 撰

內閣署

內閣亦謂內院因國初內國史院內祕書院內宏文院之稱也在午門內東廊之南門西向入門西爲滿本房亦謂滿洲堂東爲漢本房面紫禁城黃瓦大屋兩堂之中稍北垂花門入門黃瓦大屋爲大學士堂此三屋皆南向楣間俱有 禁旨堂卽內三院之院也堂垣外東偏西向黃瓦屋爲漢票簽房稍後向南屋爲滿票簽房

後小屋爲滿檔子房堂西垣外向南小屋爲稽察房又
西隔垣東向黃瓦屋爲蒙古堂稍北向東小屋爲飯銀
庫向南小屋爲典籍廳由滿票簽北去爲內閣後門正
對文華殿出後門迤東紅牆內爲內閣藏書籍紅本庫
庫皆樓其樓甚長東爲儀仗樂器庫前朝文淵閣卽此一帶庫樓前
明書籍書象雕壇鐘鼓諸物皆在內閣庫中余初到閣時屋皆半
圯雍正八年九月地動益圯明年大清門起至大內
架加繕治而閣中大堂煥然一新後又增小屋一行

大學士堂

滿漢大學士各三雍正七年增尹公泰陳公元龍缺出

不補

近裁滿漢各一增協辦各一

又有協辦大學士徐公本訥公親

皆由此卽真惟三公泰未卽真而薨彭公維新因事去

閣中稱大學士爲中堂

中堂之稱前代已有之見世廟識餘謂在文淵之中也然見於

文字則曰某揆某相俗稱

或謂老或大師如我郡徐階

至今人呼徐閣老徐大師不聞呼徐中堂也國初崑山

徐元文人尚有呼崑山徐閣老者今則一口中堂

因兼尙書故秩居三品雍正

十年特旨升正一品康熙年間中堂皆在閣余於雍

正八年春爲舍人中堂已有內外之分內則馬公爾賽

張公廷玉蔣公廷錫然蔣公猶隔數日一至外則馬公

齊

後竟家居不至

孫公柱尹公泰朱公軾

後亦休不至

陳公元龍傅



公敏協辦惟尹陳二公每日至鄂公爾泰到任後唯閱散

館卷時一至堂甚寬廣前後有窗廣庭圍牆雍正八年秋地動後

脩葺一新北有大板炕炕前設八方桌桌上帖紙一方薦本

炕上設大枕各一筆硯俱自攜陳文簡公置大學士花梨匣白端硯四刻年月乾齋以識坐定拜唐阿進茗月

不數日各攜之去公亦無如之何梨匣白端硯四刻年月乾齋以識坐定拜唐阿進茗月

資三錢於飯銀內扣給拜唐阿服役數年典籍察其優者咨內務府授官堂供事呈絲綸簿

上諭奏摺簿已呈通本部本閱侍讀學士以下有事白

則上堂滿中堂與王公分六大班夜直中堂則宿於堂

後小屋中中堂到任若由翰林出身者先至翰林而後

到閣內閣翰詹班迎於午門內設公案於滿洲堂三處
官員以次參揖翰詹學士揖中堂出位答揖送至門檻闕署供事皂隸叩
頭已乃至所坐堂滿漢學士序立庭內迎前輩中堂在
門檻內迎入供事先呈吉利本數件閱翌日奏行走前
後班次

內閣學士兼禮部侍郎銜秩三品雍正十三年侍郎升
正二品學士求中堂奏如侍郎品級閣中俱稱為學士
滿六員坐東炕漢四員坐西炕滿學士亦閱本皇

上御門日

清話

御門

跪於前讀折本

上閱本有欲改簽者

則折一角發出積十數件降旨御門凡折之本節其略數語翻作清語

諸學士豫誦熟至期票簽以綠頭牌列六學士名綠頭牌長

人闊半之半油粉請點一人讀本點出之人俟各部

院進本訖侍讀學士捧本下階訖於是大學士率學士

上階東面列跪讀本之學士捧折本置御前炕桌上

北面跪舉起一本清語背誦候上降旨中堂默識復舉

一本如前畢退侍讀學士升階捧本亦退大學士等俱

退講官四員亦退駕還宮大學士將所記旨命中書舍人

繕呈報可乃繕入票簽更進此典禮如是其寔改簽降旨無事於此特假以見

羣臣耳 漢學士職票紅無他事雍正八九年間學士皆出使則中書代票中堂以爲非體派鴻臚寺少卿顧祖鎮侍講蔣漣攝之票紅從本面起四行蓋於字上

漢本房

漢本房滿洲侍讀學士二員漢軍二員

近改爲漢人京堂缺侍讀

滿洲三員漢軍二員中書滿洲二十員漢軍八員侍讀

學士始五品雍正初升四品侍讀始六品升五品食六

品俸中書舍人秩從七品每日通政司送各省本至漢

中書舍人

止一
二人

記籍授侍讀學士分發諸舍人翻清改

本舍人勘改侍讀又勘改侍讀學士總勘畢授滿本房
止翻貼黃有奉清字 上諭由本房譯出交部其有應行翻
譯之事俱由本房

滿本房

滿本房侍讀學士二員侍讀四員中書舍人二十四員
又有愛什拉米侍讀學士以清稿分發繕寫侍讀學士
中書學習者也侍讀校對粘連授漢票簽凡一切碑文冊寶祝版之屬
漢本房主翻滿本房主寫

漢票簽

漢中書舍人三十二員向以俸深司檔者領之雍正中

設侍讀二員張正璠沈青崖乃始爲侍讀之人也

皆爲道去

於舍人內保舉升用中書舍人除圓明園直二人本房

一人稽察房二三人檔子二三人副本二三人俱分三

直人少則併直夜直十人以後至者輪直清晨入閱部

本票草簽以授侍讀

近侍讀以無事清坐不安乃專票草簽

侍讀授滿票

簽翻清呈中堂閱閱已授滿票簽繕正簽漢票簽繕漢

字正簽簽如本而差小背尾署繕者名授滿票簽夾入

本內通本亦如之午後圓明園本至學士照簽朱書訖

舍人謄入絲綸簿每條下旁註略節乃發科科臣親領
出日直者候夜直至乃退夜直於申末入閣通本票訖
登部通本票簽於草簽部乃寢詰朝授日直如非本直
日則退凡票部通本俱摘本中語一二行記於本面包
紙上內中堂閱本於本面親署某看二字本中有加說
帖及兩請者另匣盛此滿票簽事也中書舍人有雜寫
之事如

太廟神主宮殿扁額賜謚大臣碑文宮
殿對聯對聯懸門匡其製寬二寸許長短視其門或五
言或七言或四六句用白絹寫其句皆有定式歲終書

之

滿票簽

滿票簽向有侍讀六員乾隆初積德由侍讀升侍讀學士應歸滿洲堂伊仍兼票簽行走後遂爲例中書舍人二十員不分直由漢本房來者司翻由滿本房來者司繕侍讀校對本中有疑則與漢票簽參議傳部員入詢有內發上諭奏摺部員入鈔監視供事來簽來看條貼浮簽整束入箱遞園皆其職也事校劇於他房其他房雖侍讀學士票簽舍人可得呼召三處舍人願上票

簽者由票簽侍讀指名調取

滿漢檔子房

滿漢檔子房皆附票簽處唯滿檔子房在後屋資深者爲之滿檔管發鈔漢檔主記錄 上諭奏摺

稽察房

雍正間奏摺寔多交部議不以時覆令內閣立期督責每月之抄部以未覆之情告據而奏之如摺已繕就而部覆上則帖簽聲明必日至票簽檢閱滿舍人一人漢舍人兩三人無夜直園直

蒙古房

侍讀學士二員侍讀二員中書舍人十四員司外藩蒙古章奏翻清進呈不用漢字有詔勅下西番則召喇嘛僧入翻寫西番文以上下爲行筆用竹片如梓人墨斗由清字翻出蒙古字又翻出西番字所謂重譯也

典籍廳

滿漢漢軍各二員由舍人資深者補國初有加銜至太常太僕少卿者秩正八品鄂西林每以責重事繁職升品降爲乖於制繕摺奏同侍讀桐城始畫諾而面奏太

優止升正七品內閣惟典籍廳有關防一顆主文移內

外大臣 俱平行 鈐吏役國家有大禮有二科房吉 徽號

尊謚冊寶 頒詔勅嘉名封號謚法 命將出師 頒

印將軍曰虎符銀印也遵旨頒給 勘各省換印 頒書籍請用 璽

尊親之寶上天子之璽視所宜而請今所用者唯皇帝

誥勅以之皇帝之寶 殿試榜皇帝之寶 詔命勅命之寶

者合用一紙宮中九門各藏其半備夜啟也 皇帝

帝行寶刻於香木請出交洗寶 御璽皆 交泰殿太

本房侍讀員而隨 駕 監所司奏聞後移文於 殿試策問先擬數 題入奏

赴 乾清門將一年內用過者洗 點出授讀卷中之能文者聯絡成 讀卷處事宜庶吉士

篇再奏准督匠刊刻黎明交禮部

散館

散館人數到卽請點衡文大臣請試題進呈試卷

備出師將軍令箭牌票

隨征供事

舍人由各滿房派供事二名

三年代回出咨

卽選各書館文移到廳查檢用印各部旗副摺呈堂收

貯

各部旗日所奏事內閣開閱余言之陳文勤公乃奏行之

皇上陞殿受慶賀

則設筆硯於

寶座東典籍舍人侍立

案右若陞

殿受謝恩則將鴻臚寺送來新除官啟書置案上

誥敕房

誥敕房在內閣門外會典館之北滿漢本房司之五品

以上曰

誥命六品以下爲

敕命按吏部來文填寫

草本京官有加級者準以加級晉封六七品不得過四五品四五品不得過二三品外官加級不準晉封中書科書軸送閣用寶發部 敕書督撫提鎮將軍學政鹽政坐糧廳皆坐名司道副參皆傳 敕不坐名 誥敕四六文皆刊刻定本如 特命 特封王貝勒則於舍人中之能文者別撰新文進呈寫給

皇史宬

皇史宬在東華門外南綴正庫之左其室純磚甃壁仰視不見梁柱上覆黃瓦以石爲門丹塗金乳如 朝門

內石臺供奉

本朝實錄每朝一箱箱以銅裹

後兼藏玉牒

左右有穴通明窰外兩夾廂中爲二門外爲大門門右小屋居馬法馬法者長老之稱軍校老而未衰者充補凡數人自七品至九品曰尉曰吏歲終爲支狐皮搭護

通、自、之、屬、吏、也

飯銀庫

世宗皇帝憫內閣清貧不能具餐食

命督撫

布政歲助銀百兩中堂日三錢遞降至舍人日六分蔣文肅公將已所得留充內閣本匣紙張之費各中堂俱

如之雍正十年山海關進羨餘三千兩奉 旨賞給內閣官員等學士請於中堂願一體受 賜人受五十金遞降至中書舍人受二十金因 旨有等字供事皂隸紙匠等亦丐同沾歲以爲常滿票簽司之

圓明園

圓明園內閣在吏部朝房上 宗人府下獨閉其西向
槁子由北後門出入避諱也 後門正對 御茶膳房各省齋奏弁僕俱於此簷下
候 中有廣庭亦植楊柳南向屋五間中一間爲內中堂
閱本處余於雍正八年春初授職猶在此謁見張公廷

玉馬公爾賽蔣公廷錫中設長櫬二小竹几二明年俱
坐宮門內朝房不復出唯外中堂尹陳二公於御
門日來此少憩後遂爲滿票簽臥室西二間爲滿票簽
房漢票簽自構小屋三間於後北一間又爲滿票簽臥
室啟南一小窗坐卧木榻滿漢票簽五日一換班滿侍
讀一人舍人五六漢舍人二供事皂隸各二每日黎明
滿票簽捧昨日京本授紅本房進呈少頃紅本房將前
日本發出滿票簽檢視納箱授本房舍人馳送京師紅
本內如有改簽則白內中堂下午京本到一一檢視呈

內中堂閱過撤去包面納匣候明晨進呈漢舍人始事
甚冗自余脫園直設軍機房其事日簡矣滿漢本房蒙
古房俱有侍讀學士等園直供急遞而已各僦於附近
處

紅本房

紅本房在京於 乾清門內 南書房之右在園於東
奏事門內俱由滿本房稟發舍人內選用司出納本章
批清字如閣中漢學士職奏事處亦多用中書舍人非
屬內閣

軍機房

卽內中堂辦事處也凡內外大臣摺奏有不交部卽令中堂議覆者洎 廷寄各省諭旨始皆園直人爲之有滿舍人舒赫德雅爾哈善漢舍人吳元安蔣炳願不換班長侍內中堂時西北兩路出師征策妄戶部別立軍需房司官翁藻主之於是襲其稱亦曰軍需房漸易爲軍機房漸又以房爲處軍前奏多清文 又命兵部侍郎班第理藩院侍郎那顏奏

人呼曰那大頭

戶部侍郎海望學士侍郎索柱在軍機處行走若舍人然許大學士差遣

委用後益公慶福公訥親則儼然爲舍人堂上官而海
望晉尙書亦呼舍人爲年兄吳蔣輩陞去仍兼中書事
後薦引者日多司官筆帖式參入人衆亦如內閣分直
舍人中占侍讀一缺內外皆增入協辦侍讀以爲卽真
之地當初有軍需房名之時在京則在隆宗門外
養心殿造辦處而內中堂張文和公則獨在南書房
之西炕間在園則在宮門外之東朝房屋甚軒敞而
四空不密乃移於小東門內之南牆下一堂和氣中

世廟御書屋三門甚卑隘內中堂坐東頭諸大臣坐西頭

後有小屋則舍人等辦事之處申刻大小臣俱退或在廢園或僦民屋或寄僧寺無定處亦曰軍機房蓋以宮門內無夜直之例一切事俱取辦於寓所也

中書科

在午門外西六科廊之上舊爲七品衙門與六科同滿掌印中書舍人一員漢掌科中書舍人一員漢中書舍人八員

乾隆初裁二員

筆帖式十二員專司

誥命

敕命向

例年終奏銷紙張得專達雍正初因六科隸都察院中書科亦隸內閣非覃恩事冗時亦歸漢票簽辦事近

又派內閣學士一員兼攝科事

學士以下遷轉之制

內閣學士陞侍郎由吏部開列侍讀學士陞學士侍郎

三品京堂或由開列或由中堂保舉

吳金由郎中升學士若漢人皆由翰

林

滿侍讀升御史侍讀學士郎中甲科出身亦陞大翰

林官漢侍讀推升則郎中有保舉則御史道府保舉必

由滿票簽

京察亦然

典籍中書舍人陞主事同知則部推陞

侍讀必由協辦侍讀

近有協辦侍讀亦侍讀所引

滿洲漢軍舍人陞

典籍由各本處保舉漢軍典籍止升主事大理寺正乾

隆四年呈於桐城亦陞同知舍人有願往軍機處者由
彼處侍讀薦願爲倉差者遇文咨取則向典籍報名由
進士出身者遇文咨取學差亦向廳報名遇文咨取修
玉牒則侍讀派往扈從願去者衆助其資典籍印官
不扈從滿舍人代充隨將軍印出征則由滿漢本房照
旗分輪派侍讀假四品舍人假五品

滿漢稱謂

內閣曰多爾機衙門大學士爲阿里哈大省文曰阿里
大學士爲阿四罕大省文曰阿三大侍讀學士爲阿大

哈大省文阿大大侍讀以下無滿稱文相呼阿哥部院

官至槩稱夸蘭大

漢文曰長官滿文曰章京章京猶云官兒們不可以稱人故尊之曰夸蘭

大大學士亦以官呼僚屬蓋以此爲敬漢屬員於大學士爲師生舍人於學士自稱晚生於侍讀學士自稱學生

相見儀

滿漢中堂次序奏請 欽定而入閣之前後輩其翰林之前後輩仍各盡其禮滿中堂不甚分輩行惟鄂西林行之中堂位尊不與學士爲輩學士位亦尊不與舍人

爲輩侍讀舍人亦自論輩後輩東書侍生口稱學生見
必先揖途遇讓行會飲告坐後雖官位低昂爲後輩者
其禮必盡學士晨入趨揖中堂而坐中堂有問則起而
對非若部中尙書侍郎敵體也侍讀學士上堂與舍人
同漢屬員到任遞職名於中堂桌前三揖中堂或出位
答半揖或起立拱手會滿漢學士則羣出同揖滿漢學
士到任先來各房候翌日各房上堂報候

見中堂於邸第中堂西北隅坐侍讀以下西面列坐立
受茶向上揖茶已復向上揖有問則起而對揖而退中

堂前行送至儀門揖中堂入趨出車馬不當其門見滿
中堂中堂由科目出身者行漢禮否則如滿禮中堂坐
炕屬官坐椅不揖柬書名面書呈侍讀則書某頓首百
拜師非受業無書百拜者近吾郡人如是遂皆然面書正與學士相見平行用
晚生帖與侍讀學士用寅侍生帖與滿侍讀舍人不序
前後輩若用帖書寅弟侍讀與侍讀學士亦然

供事

供事卽書辦唯宗人府內閣翰林院都察院各書館爲
供事禮部曰儒士外曰典吏名異而實同也額設六十

名內門堂六名各房二名餘俱聚典籍廳分管南北廳
事舊例捐紙五六十金乃充乾隆四年定爲考取旣取
咨部取原籍地方官印結結到五年役滿咨部考職以
經歷以下等官銓選後有繁缺簡缺之分繁缺卽得選
雍正七年陳文簡公見堂供事夏景嫻於票法言於內
中堂奏授七品官仍服役五年以州判選去從征供事
三年卽選經歷供事皆樂上書館稍食豐銓官易然必
由各館提調書清字片子來乃得上館

皂隸

卽火房額二十四名紙匠四名拜唐阿一名

司閤署茶中堂月三

錢餘官一錢皆於月費內扣給

閣中堂屬姓氏

余在閣十年所事所友皆滿漢四方之人有人有暫有親有疏舍人中有同直有不同直旣相聚於一時皆有同寅協恭之誼每一念之如在目前故不忍不有以志之也自我以前自我以後不可得而知者不具故不同於昔人之同官壁記蓋志爲我作也具其姓氏里居又詳其以

何官去以何官終而止不同於柳子之父友石
表書陰蓋余所作者志也非僅錄其所親厚者
也滿洲旗分不能悉究滿舍人中亦多有遺漏
蓋此志出於追憶也

大學士

馬齊

侯爵康熙間首相余初任時
猶見之後竟不至謚文穆

馬爾賽

世稱邁公余初任時為

首揆

雍正九年為靖邊大將軍征準

孫柱

不與事始日

噶爾

坐迷道喪師即於軍前正法

尹泰

由左都御史與

謚口

邁柱由湖廣總督入日至閣

陳文簡

公同日

拜日

至閣年八

鄂爾泰

康熙已卯舉人由雲貴總督入

十餘謚文恪

拜未幾奉

旨養疾

今上

登極起總理事務加伯
爵薨年六十謚文端
查郎阿由大將軍
入謚口口巴泰協辦未

三泰由太常官至禮部尚書協辦
最久未即真而薨謚口口
福敏由尚書在上書
房行走出協辦

後即真訥親始以公爵尚書在軍機處繼協辦出
謚文端征金川坐不親臨陣於軍前正法

張廷玉為漢首揆兼總吏部常在
務加伯爵用事最久乞休卒於家謚文和
內廷總理事蔣廷

錫為漢次揆兼總戶部恩眷與張文和埒
世襲輕車都尉年初五十中風薨謚文肅
朱軾雍正

常養疾偶一至閣後竟不至
今上登極起副總理世
襲騎都尉上親臨視疾薨
上諭俟其開弔日臨

喪賜祭謚文端諸大
陳元龍由景陵禮部尚書入賀元
學士合詞謝曠典
旦即大拜每日至閣在位

五年一再乞休
世宗加太子太傅賜餼於邸令
在京衙門訟途文武餞送盡禮歸五年薨
今上賜謚

文徐本始協辦後即真為副總理世襲雲
騎尉中風乞休薨於家謚文穆
稽曾筠河道

總督

未到閣
彭維新 由戶部尚書協辦後緣事下吏 今上
蓋文敏 起爲左都御史復罷回籍遇大興入朝
後卒
趙國麟 由浙閩總督拜後坐
於家 事左遷尚書侍郎

學士

徐元夢

康熙癸丑進士世稱蝶園先生左遷中書舍人
今上登極起加尚書總理一切繙譯事閣中

通本清文必經閱
定乃進謚口口

德新 字治亭康熙乙未進士入兼上書房安達
德齡 字松

熙乙未進士
索柱

字海峯康熙乙未進士由舍人升班第
後夫爲侍郎兼學士兼典籍事

固倫額駙蒙古中書舍人升出爲湖廣總督入爲尚書
又出爲伊犁將軍與參贊大臣鄂容安殉難謚口口

圖理琛

阿三

兼吏部侍郎

雙慶

宗室塞爾赫

字曉亭有詩名升倉

督場總去
喀爾吉善

在任歲遣盛京收糧今上用
爲浙閩總督凡十餘年謚莊恪
岱齊 由

書舍人升後為陝西巡撫卒春山康熙口口進士由中書舍人升每

督雅爾呼達常兼太常寺福什寶康熙甲午舉人為吏

引見者也吳金由郎中升乾隆初出使覺羅吳拜字目

以酒病終吳金祭告至漢陽坐事罷歸

正甲辰進士由舍人侍讀侍讀學士升

吳襄青陽升禮部尚書任蘭枝溧陽終禮

部尚書俞兆晟海鹽升戶部侍郎坐事趙殿最杭州升工

告張照同郡後升刑部尚書出使苗疆坐事下吏出王

蘭生直隸累任學政王承堯山西升兵凌如煥同郡升

郎終養王以弢漢軍由知府升侍劉統勳諸城升侍郎

卒於家

巴里坤督餉謫戍臺復起為尚書大拜謚文正汪由敦徽州後為吏部尚書謚文端陳大受
長沙升江蘇蔣溥常熟升侍郎出為湖南巡撫未幾
巡撫尚書卒召還升戶部尚書大拜今上親視
疾薨親奠恩禮最優壽五十四謚文恪

侍讀學士

木和林

滿本房升侍郎去

阿爾泰

滿本房出為布政

王以巽

漢本房

祖尙

智

漢軍未升卒

佟世德

漢軍未升卒

鼐滿岱

蒙古房後升未詳

積德

滿本房兼

票簽典籍升副院卒未五十也

索柱

見前

覺羅雅爾哈善

字元長長余一歲由舍人歷升

通政使坐事罷起為龍安知府調松江府升糧道福建按察江蘇巡撫內升戶部侍郎出為定西將軍坐圍庫車城不謹小和卓木舒赫德徐蝶園先生之孫為舍人逸去檻車徵入伏法

余歸時已晉兵部侍郎後晉尚書征徇部屢罷屢起
由伊犁將軍大拜今為首揆與余同已丑生謚文襄德
通康熙丙戌進士為舍人坐年羹堯案坐臺歸升侍讀
海歷尚書凡閣中翻譯必經其閱如蝶園先生也

侍讀

常保升陝西僊保舉人兼翰林侍講 岱齊以陝西畢誼同郡康

進士由舍人升刑部主事仍為舍人升侍讀在任最久
升御史出為廬鳳道被議復在軍機處行走終洙涇人

也僑居 邵世泰常熟舉人升平京師 樂知府卒官

中書舍人滿同事

積德見舒赫德前雅爾哈善見常海升侍 舒輅與予同
前舒赫德見雅爾哈善前常海升侍 舒輅與予同

由侍讀歷福阿思哈亦予同庚由侍讀歷為巡撫
建巡撫蚤卒 罷復起為都憲總漕近卒 兆惠

同庚由侍衛筆帖式擢舍人歷任尚書將書山德齡子

軍以平獨功協辦大學士賜王服謚文襄書山為侍讀

歷侍北麟人呼二福興人呼四蘇章阿余歸時猶舍人

岱圖少余五歲余為漢人中最少年岱圖為黑太為御

不必免天下定長字蘭賓長余一歲升侍讀後由徐州

錢糧免官也常鈞字和亭升平涼道久廢善德蒙古人王雅圖中尹

堂多純菩保七克坦弟菩保西紳揚善塔坦升

部明善顧珽總河顧盛祿佟琳博寬頒詔至山

通特天同德侍郎托時子後同義弟德文綬尚書傳胤子

四川科占文綬弟彰古禮永義祿圖桑阿為雲南知

員 旗 覺羅金泰

傅俊 奏事處

傅傑 俊弟

鄂鼐 為佐領去

已上

票簽

赫慶

雍正甲辰舉人 為御史後未詳

廣安

字居之後為蘇松道憂去

屯多

後改為託思多由蘇

松道為巡撫升尚書罷復起今未詳

觀音保

升御史

興泰

三保

蒙古年長矣

三

保柱

蘇昌 清書最工一切書事俱委之歷兩廣總督謚愨勤

積行

四川道員坐事罷

林文德

漢軍為江安糧道罷為旗員

何遂元

蘇岱

進士舍人升色侍講仍留任

誠

蒙古雍正甲辰進士舍人升中允仍留任

七達色

紅本

富明律

卜塔哈人呼

為巴老爺 海明

裕義

英德

嘉行

查進泰

輔德

尼唐阿

索爾遜

伊希德

僧保柱

本岱

石泰

富伸 圖敏 布章阿 來朝後為按察 綽普通 增祿

升御史 白瀛 崔鏡二人教習期滿奉旨 栢超松江提督之蕃

子特用後為典籍 王隆輔侍郎王 張玉為松江守降衛

引見特擢贛州守 法正 已上兩本房

未同事前輩

呂耀曾河南戶部侍郎 王圖炳同郡禮部侍郎言買布事罷起

王峻常熟御史 吳士進同郡而北音 張鉞同郡御 戴臨江寧

懋勤殿升歸宣光常熟禮部尚書 曲櫛山東禮部郎 柴鶴山湖州吏

同事前輩

王師典

杭州為南安同知坐人命免

顧預

無錫為湖州同知

史曾期

宜興為建寧守

畢誼

見前

凌燾

定遠由侍讀為江西按察司

井瀚

文安由侍讀為刑部郎中卒

井其

穎

弟山

陸尹燿

由侍讀為御史仍留票簽

吳元安

江寧為侍讀升給事中仍留在

軍機處

蔣炳

陽湖由侍讀歷巡撫倉場總督卒官

熊燾

蘇州衛州知休

鮑斐英

安淮

卒

袁翰

周

江

孫漢

高郵予任時已七

馮歷

代州終

楊

廷為

西

于栴

金壇升禮部郎計在部二十餘年

鍾衡

湖州御

曹繩柱

江西

為福建

朱鳳英

江西

潘瓏

嘉興東

吳琰

常州福

吳之

按察

麟

嘉興刑部郎中程氏請題

主來新場年八十三矣

王穆

涇陽侍郎

陸慶元

無錫

錫

詹廣增

常山

邵世泰

見前

伍起

揚州

同事後輩

金志章

杭州由侍讀為口

席整

常熟告

陳鏐

蘇州為襄陽守自武

當山歸

每有出世

俞敦仁

海寧侍郎俞兆岳子由侍讀

之志吟

一偈而化

升冀寧道左遷汀州守復坐

事罷終

張大宗

杭州庶

於家

張涓

杭州為御史巡視臺灣回終

張大宗

常散館

為宣城令終

吳嗣富

杭州為翰林學

田志勤

武強為林

枝春

福州為翰林河

余逢震

江西為翰林終侍郎

柳彬

揚州華宏憲

無錫華

子宏憲

曹淇

江西卒官後子襲

陶學樞

江西彭元基

南昌廷

潘中立

江西升

沈世楓

湖州為按察復為吳斗

訓子

侍讀

沈世楓

湖州為按察復為吳斗

光

湖州侍郎應

蔡筠

清姚世倌

長顧景

無錫姚培益同郡

部員外郎休歸劉忻山西劉拭直隸史鳳輝宜興武昌同知升何

璘順天周景柱嚴州為按察內升朱發湖州為山西知鄭

基候官由侍讀為李清雲安溪終鎮徐梁棟無錫許宏聲

常州為平黃鶴江柴潮生杭州謙孫侍讀郝世藩西

賀光烈浙江尋卒曹輯五無錫選為宮中教習徐熊順天升

霍備順天歷府尹坐事罷陳邦勸順天升蘇州常王櫓常州同知季芳

藹丹陽史貽儉同知方觀承江寧客平郡王保舉奏為合

總督卒官韓御李長州曾任知縣世宗俞鴻慶

海沈謙長州朱錦杭州陸秩杭州御史陳兆崙傳學宏詞王正功

杭州漢陽同知俞大受杭州口王荃山崑山袁銑崇明馬燦嘗熟歷

府尹緣王愷伯長洲歷天蔣元益長洲升侍郎湯大紳事罷

常州御史秦勇均無錫歷按察使終張泰開無錫歷查復寧海

卒沈瀾湖州升宗人府主馬樸臣桐城張筠桐城非文和

官金德瑛杭州一甲一名沈光邦合萬松宜興博學鴻溫

葆經順天蘇州府而胡金蘭同郡改名寶琮由侍讀歷

靖徐觀光同郡改名陳鍾同祝維詰興孫紹基漢陽御

坐事曹秀先江西歷侍郎江蘇胡廷樞同郡升侍朱續

下吏經山東侍胡師亮紹興金文淳杭州志章子後為錦州守

讀御史胡師亮紹興金文淳杭州志章子後為錦州守

內閣小志

守唐炳湖州楊通順天張濟崇明金悅湖州商思敬宛平劉大佑蘇州

錢釜嘉善韓慶會蘇州以上八人未及同事

典籍廳同事

蒼林予生之年已為舍人華麟升潯州同知攝李宗

揚升大理張問達黃旗人升張人鑑紅旗人康熙癸巳

同知卽張景載藍旗人升衡州同知饒州守熊熨見史

貽儉見前

中書科後輩

楊統正山東由知趙尙友直隸由知孟琇直隸由知縣

縣升任 縣升任 升任乾隆三

十九年重遇甲午科年入
十八歲奉旨與庶鳴宴
由知縣王圖炯同郡由舉人捐授
升任終長蘆轉運使
幾告退
嘉興由舉人戶部學習捐授末
徐德淳山

內閣故事

春明夢餘錄大學士直舍所謂內閣也在午門內東南隅外門西向閣南向入門一小坊上懸聖諭過坊卽閣也永樂初開內閣於東角門簡翰林待詔解縉爲侍讀中書舍人黃淮王府審理楊士奇爲編修進修撰胡廣爲侍講編修楊榮爲修撰戶科給事中金幼孜桐城知縣胡儼爲檢討入直文淵閣辦事以備顧問終永樂之世士奇榮官止五品蓋宣德以前內閣與外九卿爲平交至宣德後三楊眷重漸柄朝政英宗九歲登極凡事

啟太后不欲專多令內閣議行此內閣票旨之所由始也

春明夢餘錄閣制初甚隘嘉靖十六年命工相度以閣中一間奉孔子四配像旁四間各相間隔開戶於南以爲閣臣辦事之所閣東誥敕房裝爲小樓以貯書籍閣西制敕房南面隙地添造捲簾三間以處各官書辦而閣制始備

可齋筆記文淵閣在午門之內迤東文華殿南磚城凡十間皆覆以黃瓦西五間中揭文淵閣牌牌置紅匱藏

實錄副本儘前楹設櫺東西坐餘五間皆後列書匱隔
前楹爲退休所李公令人移紅匱壁後欲設公座予曰
不可殿閣皆至尊所御止可侍坐以備顧問無正坐理
踰數日上送范銅飾金孔子并四配像一龕來置於中
間又送聖賢畫像來懸於龕後壁上

玉堂漫筆王文端直題梁用之詩後謂內閣在東角門
內常人所不能到其外爲文淵閣則翰林諸公所處也
今內閣傍文淵閣而不在東角門之內諸學士所處則
在左順門之南廊而傍爲東閣云

世廟識餘錄成化間中書與閣下如同僚然投刺俱平
交蓋一堂共處今之西房卽文淵閣也閣臣居中中書
居東西兩房各辦其事已撤內庫十間以西五間居閣
下謂之文淵閣以東五閣藏書籍而東房中書亦遷居
之故今以閣下稱中堂而東西非房矣

瑣綴錄永樂初選翰林文學之臣六七人直文淵閣參
典機務詔冊制誥皆屬之而謄副繕正則中書分直更
入事竣輒出

國史唯疑翰林舊選學士六七人直內閣掌誥敕居閣

之東號東誥敕房以閣西小房處中書能繕寫者爲西制敕房諸學士晨興閣老會食吳寬以司制久雖不相例稱閣老蘇郡閣老坊見存嘉靖中罷今爲中書官供事之所

孝宗實錄宏治九年三月大學士徐溥以內閣書籍浩繁請以翰林待詔潘辰管典籍事仍乞命吏部於教官內選除典籍一員與之共事從之因以河南息縣教諭夏賚爲翰林院典籍

世宗實錄初永樂大典書成貯之文樓三殿災上命出

之不毀嘉靖四十一年選善書人禮部儒士程道南等
百人重錄一部命高拱張居正等校理

東湖先生集中祕書在文淵閣之署約二萬餘部近百
萬卷刻本十三抄本十七閣凡五楹宣廟常幸其地與
閣臣繙閱咨詢故史臣不得中立設坐

五雜組內府藏書十九皆宋板書皆倒摺四周外向

竹垞

云文淵閣藏書合宋金元所儲若永樂大典多至二萬
二千九百三十七卷皆藏諸皇史宬甲申之變散佚轉
多憶記歸極門今日昭德門乃太和門之左右角門也右曰貞度之南廊一間

坐東向西額曰東閣經筵日講退講官至此揖光祿寺

官奉茶而別

玉光劍氣集歸極門在皇極門

今日太和門

之東凡京官上

下接本俱於此處南入爲內閣輔臣票本地也宣廟賜有文淵閣印一顆凡封進票本揭帖聖諭敕稿用此鈐之萬歷中爲人開內閣鎖盜去上命補鑄賜之

震澤長語文淵閣在奉天門

太和門舊名

東廡之東文華殿

之前對皇城深嚴禁密百官莫敢望焉吏人無敢至其

地閣中趨侍使令惟厨役耳

今閣中皂隸曰火房猶循舊厨役之名

禁密

文書一小匣在几上鑰之而不合大學士暮出鑰其門

匙懸門上恐禁中不時有宣索也

烈皇小識東閣五間夾爲前後十間前中一間供先聖位爲諸輔臣分本公敘之所閣輔第四員以下則居後房雖白晝亦秉燭崇擬薛韓城當國特鑿一牖復開門構數椽以延日色

觀此則文淵閣又卽名東閣而憶記所云東閣在歸極門之南廊一間坐

東向西者何也

石淙稿中書舍人每朝會則與翰林史官上殿東西班侍立東宮朝賀文華殿導駕侍班其初本與翰林宮坊六科同爲侍從之臣諸司無相並者

西垣筆記明制各寶皆內尚寶監女官掌之遇用寶則尚寶司以揭帖赴尚寶監尚寶監請旨然後赴內司領取

留青日札宣德幸文淵閣命於閣右築石臺植澹紅芍藥一本景泰初增植二本左純白右深紅

雙槐歲抄天順改元徐有貞薛瑄許彬李賢同爲學士既而三人去惟賢獨留而彭時等八人相繼同升盛開八花賢賦詩十章閣院官僚咸和彙成曰玉堂賞花詩集

寓園雜記嘉定宣嗣宗爲中書舍人宣宗幸內閣以銀錢撒地令諸從官競取嗣宗俟諸臣取畢徐拾一文

曹家駒說夢明朝中書舍人之途有三一日進士中書科優閑無事惟需次擢清華而已一日兩殿中書舍人文華武英也專供大內書畫之事援納有定例朝上賞而夕拜官取徑甚捷但與中涓爲伍士流恥爲之一日內閣中書舍人卽制敕房詔敕房也以其爲閣臣左右之人故人樂趣焉內有撰文四員必以進士舉人選入又每房設掌房一員積資加服俸至太僕寺少卿開棍

乘轎儼然京卿

池北偶談明會典議謚俱禮部行翰林院議奏請旨又本部行吏兵二部備查實蹟定爲上中下三等以行業俱優者爲上行實頗可者爲中行實無取者爲下開送翰林院擬謚請旨 本朝則歸之內閣司之典籍云

按 本朝蒙 賜謚大臣沿明制由翰林出身者上一字皆文大學士則皆文其行業灼然在人耳目禮部文到典籍先擬數名白中堂中堂擇四名以請 旨鳳毛任典籍四年自揣職卑事大必與

漢同僚洎學士議而白中堂也

香祖筆記京官舊例各衙門稱謂有一定儀注不可挪移如翰詹稱老先生吏部稱選君印君員外以下稱長官科稱掌科道稱道長是也自康熙丙子祭告回京聞見頓異各部司及中行評博無不稱老先生者矣此亦觚不觚之一也

按自雍正年間三品以上俱稱大人而老先生止稱於四品以下至小京官外任道府由部員翰林出同知由中書舍人出者俱如舊稱近見京僚稱

佐雜流外亦老先生此又觚不觚之尤甚者矣
居易錄明初選進士爲庶吉士分置近侍諸署若解縉
爲中書庶吉士是也右見菽園雜記予池北偶談嘗記
六科庶吉士初未詳官制如何觀此乃曉然蓋中書六
科皆近侍也

按中書科在六科之上向爲七品衙門至今署中
規制與六科無異然明朝知推行取不得科道而
得中行評博必愾雍正間升科道爲五品又以道
升科與中書科之卑抗愈相懸矣

居易錄崇禎元年輔臣李文敏公國檣請章奏倣古貼黃之法撮節要粘元本以進至今因之

按今制通本有貼黃若奏摺不用帖黃部本第於該臣等看得前虛一行耳考貼黃者貼黃綾一小方於表文之前上書某表一通至今正表因之卽道士上章式也以撮要爲貼黃者乃別貼一紙於本末不用黃也

周禮內史掌王之八柄之法以詔王治內史掌書王命

遂貳之

又書其副藏之也

外史掌書外令

王命頒於列國者

掌四方之

志邦國志也三皇五帝之書堂達書於四方若以書使於四

方則書其令王命宜諭諸侯按內外史如今中書舍人典籍之

職

內閣小志終

皇清道光十八年歲次戊戌金山錢熙祚錫之甫校梓

六泉先生爲忠節公冢孫作偉之外曾祖也忠節公風烈文采炳爛今古先生繼承

帝眷回翔樞禁者十餘年生平論譏甚多其書畫與外伯祖張文敏齊名而於綸扉掌故尤熟歸田後追憶舊聞遂有此作未付剞劂數十年來海內承學之士每深慕仰作偉家藏有副墨實先大母手錄於鼓瑟樓者先考孝慤先生刊大母鼓瑟樓遺詩謀并付梓旋以辭世未果彌留治命猶諄諄勗作偉兄弟以繼志云歲丁酉婦弟錢錫之通守有守山閣叢書之刻廣徵文獻作偉

遂繕寫是冊示之則大喜因列諸指海第一集烏乎以
先生文章典頌卽一書一畫藝林猶拱璧珍之其精力
蒼萃或不在此而作偉藉通守之力圖以是釋憾於九
原不已傾乎此作偉所爲中夜悲嘯而不能已已者也
先生居南滙之石笥里舊籍上海所著有說學齋詩文
集六十一卷晬錄二十卷華亭顧作偉謹識